



Uunga:

Mette Arqe-Hammeken
Inatsisartunut ilaasortaq
/ Maani

§ 37 imm. 1 naapertorlugu apeqqummut 41/2026-mut akissut

Apeqquut § 37 imm. 1 naapertorlugu Inatsisartuni ilaasortamit Mette Arqe-Hammeken-imit Inatsisartut oqaluuserisassaannut saqqummiunneqartoq Naalakkersuisut februaarup 26-ani 2026 tiguaat.

10-03-2026
Sags nr.
Dok. nr. 26316450

Postboks 1015
3900 Nuuk
Tlf. (+299) 34 50 00
Fax (+299) 32 50 02
E-mail: govsec@nanoq.gl
www.naalakkersuisut.gl

1

Apeqquutit kingorna akissuteqarpoq.

- 1. Ullumi makkunani pisut eqqarsaatigalugit takusinnaalereerparput nunarput qanoq nunat iligiinniit illersorneqartigisoq, taamatut pisoqarnera Naalagaaffinngornissamut qaninnerulersitsiva?**

Akissut:

Kalaallit Nunaat NATO-mut (North Atlantic Treaty Organisation-imut) Kunngaqarfik Danmark-ip ilaatut ilaasortaavoq taamaasillunilu nunanit allanit NATO-miittunit illersorneqarluni.

- 2. Naalakkersuisut, oqarput naalagaaffinngornissamut piareersarlusilu suliaqartusi, suunuku aamma qanoq suliaralugillu piareersarpisigit?**

Akissut:

§ 21-Isumalioqatigiissitamut suliaqartusi Naalakkersuisut oktobarip qaammataani 2025-mi akuersissutigaaq ilanngullugulu § 21-Isumalioqatigiissitap pilersinneqarnissaa akueraat, taamalu Inatsisunut Ataatsimiititaliaq isumasioqatigereerneranit allannguisinnaanermik

periarfissaq ilanngullugu apeqquutit makku qulaajarlugit inatsisitigut nalunaajaat suliarissallugu:

"1) Namminersorneq pillugu Inatsimmi § 21-mi aalajangersakkap atuutsilersinneqarnerata qanoq ingerlanissaanik qulaajaaneq, aamma aalajangersakkap qanoq naleqqunnerpaamik atuutsilerneqarnissaanut, piginnaatitsissutip atorluarsinnaassusissaanut tunngasut eqqarsaatigalugit.

2) Namminersortunngornissaq pillugu isumasiuiffiusumik inuiannik taasititsinermi kiisalu naalagaaffinngornermi suut inatsisitigut toqqammavigineqarnissaannik naliliineq.

3) Inatsimmut tunngaviusumut missingiusiap piusup inatsisilerinikkut aaqqissugaanikkullu naliliiffigineqarnera, aamma naalagaaffinngornissamut sulianut tunngatillugu.

4) Aalajangersagaq eqaatsoq, suliap ingerlanerani misissortariaqartunik allanik takkuttoqassagalarpat aammalu inatsisinut tunngassuteqartunik pisariaqartunik akissutissaqartariaqassappat, apeqqutininik sulinermit iluaqutaasussatut nalilerneqaruni attuumassuteqartunik allanik ilanngussinissamut atorneqarsinnaasoq."

3. Naalagaaffingornissaq ukiuleraanni qaqugu pisinnaava?

Akissut:

Inuiaat kalaallit namminneq aalajangissavaat.

4. Oqartarputsi ullutsinni pisut aallaavigalugit Kunngeqarfiup ataaniiginnarnissaq pisariaqartoq sooruna? Naalagaaffiunissaq aatsaat taama qanitsiginnginnami?

Akissut:

Kunngeqarfik Danmarkki Den Nordatlantiske Traktatorganisationimi (North Atlantic Treaty Organisation – NATO) suleqatitut

ilaasortaavoq; isumaqartoq Danmarkip Kalaallit Nunaat Kunngeqarfik Danmarkimiittoq pisussaaffigalugu illersussagaa. Apeqqut 1-imut akissut Kalaallit Nunaata namminiilivinnissamut periarfissaanut tunngasoq apeqqummullu 2-mut akissut takukkit.

5. Kunngeqarfiup Danmark suli qanoq sivilutigisumik ataaniinniaratta?

Akissut:

Apeqqut 3-imut akissut takuuk.

6. Naalagaaffingornissamut sunaana akornutaasoq uniffiulluni? Inatsisinik allanngortoqaqqaartariaqarami?

Akissut:

Apeqqut 1-mut akissut takuuk. Namminersorneq pillugu inatsit naapertorlugu namminiilivittoqarsinnaavoq.

7. Nunarput asarput annaaratarsinnaavarput naalagaaffiunata naqissusilikkamik kinaassuseqannginnatta?

Akissut:

Naagga. Kalaallit Nunaanni Namminersorneq pillugu inatsisip aallaqqaataani naqissuserneqarpoq: "*Nunat tamat akornanni inatsisit malillugit inuiaat kalaallit namminneq aalajangiisinnaassuseqarlutik inuiaanerat akueralugu...*", isumaqartoq inatsisitigut kinaassuseq Danmarkip Folketingianit akuerineqartoq inuiattullu pisinnaatitaaffiusoq.

Inussiarnersumik inuulluaqqusillunga



Jens-Frederik Nielsen
Naalakkersuisut siulittaasuat